

ՄԵԼԿ

Տարեկան գինը 10 րուր, կէս տարվանը 6 րուր:
Առանձին համարները 5 կոպէկով:

Թիֆլիսում գրվում են միմիայն կամարդարտան մէջ:

Ոտարարարարարար գինում են ուղղակի
Тифлис. Редакция «Мелк»

Խմորագրատունը բաց է առաւօտեան 10—2 ժամ
(Բացի կիրակի եւ տօն օրերից):

Ցայտարարութիւնը ընդունվում է ամեն լիզուով:

Ցայտարարութիւնների համար վճարում են
իրարանցիւր թաւին 2 կոպէկ:

ԲՈՎԱՆԳԱԿՈՒԹԻՒՆ

Ներքին Տեսութիւն. Մի նոր գիրք, Նա-
մակ Շուշուցի, Նամակ Շամախուցի, Նամակ Շամ-
քայրի, Ներքին լուրեր:—ԱՐՏԱՔԻՆ ՏԵՍՈՒ-
թիւն, Հայոց խնդիր: «ПОРЯДОК» Լրագրի
թղթակցութիւն: Սրտաքին լուրեր:—ՅԱՅՏԱՐԱՐ-
ՈՒԹԻՒՆՆԵՐ:

ՆԵՐՔԻՆ ՏԵՍՈՒԹԻՒՆ

ՄԻ ՆՈՐ ԳԻՐԲ

Այս օրերս հրատարակվեցաւ մի նոր
գիրք «Անահիտ», գործ. Ղ. Աղայեանցի:

Այդ գործի վէպիկի նիւթը վերցրած
է Աղուանական կեանքից եւ հիմնված է
գլխաւորապէս առասպելական գրոյցների
վրա, որոնք մինչեւ այսօր աւանդաբար տա-
կաւին պատում են ժողովրդի բերանում:

Վէպի գիւղացիներին հրաշագեղ Ան-
ահիտն է, այդ գիւղական նախորդի անվե-
հեր, իմաստուն եւ թովիչ աղջիկը, որի գե-
ղեցիկ սկզբունքի շնորհիւ (թագաւոր
թէ գեղջուկ՝ արհեստագէտ լինելու է)
լուծվում է Վաչագան թագաւորի անկա-
նելի տարտարոսից ազատութեան անլուծա-
նելի կնճիւղը:

Ամենամեծ հաճութեամբ, անկատելի
կերպով աւարտեցի յիշեալ գրքիկի ընթեր-
ցանութիւնը. լեզուն սահուն եւ կենդանի
է, նիւթը ժողովրդական, գրաւիչ:

«Անահիտ» պատանեկական վառ երեւա-
կայութեան համար՝ մի քաղցրահամ բա-
ժին է, որը ծաշակելով՝ կը բացվի պատա-
նու ախորժակի անյատակ խորութիւնը եւ
նա կը զգայ իր մէջ մի բուռն ձգտում,
մի անգուսպ պահանջ միշտ այգիների խոր-
տիկները փնտնել իր անպաճոյճ սեղանի
վրա:

«Անահիտ» մեր արդի գրականութեան
վիպական մասի լաւ գարեբրդից մէկն է:

Բայց ցաւալի է շատ, որ դարեւոր հնու-
թեան փոշիների տակից այդ տեսակ աշ-
խատանքներ լոյս աշխարհ հանողը եւ դո-
րա նմանները՝ մեզանում չեն գտնուում ըստ
արժանոյն բարոյական եւ նիւթական քա-
ջալերութիւն, որով նրանք առօրեայ կեան-
քի ծանր պայմանների տակ ընկճվելով՝
հարկադրվում են ականայ հրաժարվել ի-
րանց կոչմանը ծառայելուց եւ իսպառ
ձեռնթափ լինել գործից ի մեծ կորուստ
մեր նոր գրականութեան:

* Խորհուրդ կը տայի ամեն մի հայի, ծե-
րից սկսած մինչեւ պատանին, կարդալ, ան-
պատճառ կարդալ «Անահիտ»:

Գ. Գալանթարեանց

ՆԱՄԱԿ ԾՈՒՇՈՒՑ

Հոկտեմբերի 12-ին

Կեռահաս աղջկերանց պսակելը—հասարակ
ախտ է իւրաքանչիւր հայ քաղաքում, բայց Ղա-
րաբաղում եւ մասնաւոր Շուշի քաղաքի մէջ նա-
հասել է մի զարհուրելի աստիճանի: Անտարա-
կոյս, այս տխուր երեոյթը ամեն երկրում կայ,
բայց մեր մէջ հասել է մի անխիղճ, զգուշի
գրութեան: Օրէնքը Անդրկովկասում թոյլ է տա-
լիս օրիորդներին ամուսնանալ մինչեւ տասներեք
(13) տարեկան հասակը, մինչդեռ ամբողջ Ռու-

սաստանում անկարելի է պսակել այդ փոքր հա-
սակում: Ի հարկէ, օրէնքը ի նկատի է ունեցել
մեր կլիմային, որը իր թէ աւելի տաք է, քան
թէ հիւսիսում, մինչդեռ հարցը այդպէս ընդհան-
րացնել անկարելի է, պատճառ. օրինակ Թիֆլի-
սի կլիման անհամեմատ տաք է, քան թէ Շու-
շուն. այստեղ ձմեռը ցուրտը հասնում է մինչեւ
—15°, միջին թեւով համարեալ—7°, —8°, իսկ ա-
մառը շարունակվում է երեք ամիս, ամենաբարձր
ջերմութիւնը հասնում է 18, 20°, մնացած ժամա-
նակը ցուրտ է լինում. կարելի է առանց սխա-
լմունքի ասել, որ ձմեռը շարունակվում է վից,
եօթ ամիս. այժմ հոկտեմբեր ամսին տներում
ստվարած պէտք է փայտ վառել:

Շուշին մօտ (5000) հինգ հազար ոտնաչափ
բարձրութիւն ունի ծովի մակերևոյթից, չըջա-
պատած է ահագին անտառներով, ձիւնով ծած-
կված լեռներով եւ հետեաբար աւելի մօտիկ է
Ռուսաստանին, հիւսիսին, քան թէ հարաւին:
Բացի գործնից, կայ մի ուրիշ հանգամանք, որը
համարեալ հաւասար է կլիմային, դա է հասա-
րա կապան կեանքը: Որքան մասնակը յաճախ
շարժվի հասարակութեան մէջ, այնքան նորա մէջ
վաղ պէտք է զարթնեն ու զարգանան այն ձեղ-
տուները, ցանկութիւնները, որոնք յատուկ են
նրա բնութեան: Բայց ինչպէս յայտնի է, Շու-
շուն մէջ, իբրեւ մի անկրթ ասիական քաղաքում
օրիորդը բոլորովին զուրկ է հասարակական
կեանքից, մինչև անգամ ամուսնացած կինը խիտ
բնութեան տակ է եւ փակ կեանքից զուրկ գալ
չէ կարող: Ուրեմն՝ ոչ կլիման եւ ոչ հասարակա-
կան կեանքը չեն կարող չափահասացնել օրիոր-
դին 13 տարեկան հասակում եւ ճշմարիտ, հա-
մարեալ միշտ ամուսնացող օրիորդները դեռահաս
մանուկներ են, որոնք երեխաների պէս չարա-
վում, տանջվում են իրանց կոպիտ, անխիղճ
30, 35 տարեկան ամուսնիների ձեռքին: Յայտնի
բան է, որ մարդս ամուսնանում է իր ցեղը, սե-
ռը պահպանելու համար, այսինքն, որդիք ունե-
նալու, նրանց կեանքի համար պատրաստելու,
վերջապէս իր կեանքին եւ աշխատանքին ընկեր
գտնելու համար: Նոքա միանում են նոր սերունդ
պատրաստելու, մէկ մէկու օգնելու, մէկ մէկու
հետ տխուր ու քաղցր տպաւորութիւնները բա-
ժանելու, քրտնք ու արտասուք սրբելու հա-
մար: Ուրեմն երկուսն էլ պէտք է գոնէ հասած
լինեն այն հասակին, երբ մարդս զգում է այդ
կարիքը, երբ նա ցանկանում է, կարող է ֆի-
զիկապէս կատարել այդ պաշտօնը: Չենք խօսում
ազատ ընտրութեան, սիրոյ, համակրութեան,
հերկու կողմի համաձայնութեան՝ վրա, որը մի-
շտ այժմ մեր մէջ terra incognita է եւ մինչև
անգամ անբարոյականութեան լրբութեան՝ նը-
շան:

Ինչ է սորա պատճառը, կարծեմ, ոչ մի երկ-
րում, ոչ մի քաղաքի օրիորդը, կինը այնքան
վայրենի, անխիղճ ճնշողութեան մէջ, ծանր լծի
տակ չէ, ինչպէս Ղարաբաղում: Այստեղ աղջիկ
ուսնանալով մի զարհուրելի դժբաղդութիւն է: Ըն-
թերցող, կը հաւատաք, որ երբեմն ծնող մայրը
պատրաստ է անասնաբար խեղդել իր նորածին
աղջկան, եթէ նա երկուրդ չը քաշէ Աստուածա-
նից: Արդեօք այս ինչ երեոյթ է: Միթէ զարա-
բաղի կինը զուրկ է մայրական զգացմունքնե-
րից, որոնք յատուկ են բոլոր կենդանիներին:
Ոչ, դրա պատճառն է տղամարդը, այդ արեւար-
բու պարսիկների մտրակի տակ մեծացած տղա-
մարդը, որի կոպտութիւնը, քարէ սիրտը, եր-
կաթի կամքը հուշակվել են շատ տեղեր: Այո,
այդ յատկութիւնները երբեմն լաւ հետեանքներ
են տալիս, երբ ուրիշ բարենպաստ ուղղու-

թիւն են ստանում, բայց ընտանեկան կեանքում
նրան չինում են մի անխիղճ «փաշայ», բռնա-
կալ իր թոյլ եւ քնքոյշ հպատակներին տանջելու,
արին արտասուք թափելու համար: Վայ այն
կնոջ, որը աղջիկ-մանուկ ծնեց, ամեն օր, ամեն
գիշեր նրա երեսը թուր ու մուր՝ պէտք է գայ,
նա զբաղուի տաք աստիճան ցածրանում է իր

բռնակալի աչքին. նա ցուրց չը պիտի կոչէ,
վստն գի միթիւրութեան տեղ պէտք է անտա-
նելի յիշողներ լսէ: Շատ անգամ ես ինձ տուել
եմ այս հարցը, միթէ զարաբաղու ուղեղը մի
այնպիսի կաղժուածք ունի, որ չափահաս դառած
ժամանակը պէտք է բոլորովին զուրկ մնայ մար-
դասիրական զգացմունքներից, գոնէ ընտանեկան
կեանքում: Ի հարկէ, մենք չենք խօսում մի քա-
նի պարոնների մասին, որոնք «հարմուկայ»,
Մոսկովայ, Մարսէլիա են գնացել եւ սովորել ա-
ւելի լուսաւոր կերպիւ բռնակալութիւն անել,
այլ «սալը» զարաբաղացի վրա: Այդ վայրենու-
թիւնը, կոպտութիւնը կարելի է տեսնել ամեն
ազգի ռամիկ, ստրկութիւն ծածկ ժողովրդի մէջ.
օրինակ, ռուս գիւղացին էլ չէ ինչպիսի իր կը-
նոջը՝ ծնեմը, չարաբել նրա համար բնական
կարիք է, որովհետեւ նրան էլ չեն ինչպիսի, նրա
կեանքի ճանապարհն էլ չէ վարդով փռած, բայց
աւի եւ զարաբաղացի ծնեմի մէջ մեծ դանաղա-
նութիւն կայ: Ռուս ռամիկը այնքան մեղմ բը-
նութիւն ունի, որ ծնեմից յետոյ համբուրում է
իր կնոջը, միասին արտասում, ներողութիւն
խնդրում վերջը, բայց զարաբաղցին չարախնե-
րով շարունակում է իր անասնական յիշողները,
խռովութիւնը, բարկացած. զգուշի գէմքը. նը-
րա տուն վերադառնալը շատ անգամ ահ ու դող
է ձգում խեղճ կնոջ եւ քնքոյշ մանուկների սիր-
տը: Կան զարաբաղցիք, որոնք ամիսներով խռով
են իրանց կնոջ յետ մի ջնջին պատճառով. կան
հայեր, որոնք իրանց ութ, տաս տարեկան աղ-
ջկերանց մի անգամ էլ համբուրած չեն: Ես մին-
չեւ 20 տեղ լսած եմ, ինչպէս նորածին աղջկա-
նը առաջին աղաղակին գոռած են զգահութեան
մանկաբարձից սկսած մինչև մանկան հայրը.
«Չո՛ւ, ըլլած օրըդ սե ընի» ահա խեղճ երեխայի
առաջին լսած խօսքերը: Հասակը առած օրիորդը
այստեղ մի խաղալիք է, անասնական ցանկու-
թիւնների առարկայ, ստրուկ եւ հետեաբար ծը-
նողները ջանք են անում նրան, որքան կարելի
է, չլուս գլխներիցը ռադ առնել, իսկ վայրենի
ամուսինը—որքան կարելի է, քնքոյշ հասակի,
մատաղահաս խաղալիք գոնէ իր անասնականու-
թեան համար: Որա հետեանքը լինում է այն, որ
գեղեցիկ կարմիր վարդերը թառամում են ամուս-
նութեան առաջին կամ երկրորդ տարում, որ
ցեղը մանրանում, փչանում է: Ահա գլխաւոր
պատճառը այն տխուր երեոյթի, որ զարաբաղ-
ցի տղամարդը երկաթի պէս մարմին ունի,
վարդի պէս փուլած է, իսկ կին-մարդը նիհար,
գունատ, ւարկոյթ թեւալիս, որովհետեւ նրա
համար իւրաքանչիւր ծնունդը մահից ազատվել
է: Այս հարցի վրա զարձնում ենք մեր վեհա-
փառ Հայրապետի լուրջ ուղադրութիւնը, որով-
հետեւ Շուշուն 13 տարեկան օրիորդը հաւասար
է Թիֆլիսի 8, 9 տարեկանին, բացի դրանից օ-
րէնքով գրված 13 տարուց զարաբաղցիք չար-
չիւթութեամբ երբեմն մէկ երկու տարի էլ են պա-
կասացնում, այնպէս որ 11, 12 տարեկան աղջիկ
պսակելով մի հասարակ երեոյթ է եւ նմանապէս
նրանց մեռնելը ծնեման ժամանակ արեւահո-
տութիւնից, պատճառ օրիորդի կաղժուածքը դեռ
պատրաստ չէ լինում այդ հասակում ծննդեան
համար: Յետը փչանում է, դա մարդասպանու-
թիւն է. ժամանակ է ուղադրութիւն զարձնել
այդ կենսական ծանր հարցի վրա:

Բժիշկ Մ. Առստամեանց

ՆԱՄԱԿ ԾԱՄԱՌՈՒՑ

Հոկտեմբերի 1-ին

Երբ հասալ Շամախի, իմ առաջին մտադրու-
թիւնը հայոց թեմական դպրոցը տեսնելն էր:
Ներս մտայ մի դասարան: Դասաւարութիւնը
հայոց լեզու էր, որը աւանդում էր պ. Ա. Եգա-
նեանց անունով մի շամախեցի ուսուցիչ Նրուսա-
ղէմի ժառանգաւորաց դպրոցի աշակերտ: Երբ

ներս մտայ, ոչ մի աշակերտից բարեւ չընդունեցի
իմ ողջունելու փոխարէն. նոյն իսկ ուսուցիչը
մի պաղ կերպով ինձ ողջունեցուց յետոյ,
սկսեց շարունակել իր դասաւարութիւնը աշակեր-
տաց աղմկի մէջ, բայց ես նկատում էի, որ
ամեն մէկը զբաղված է մի ուրիշ բանով եւ ու-
սուցչի դասաւարութեանը չէ հետեւում: Թողնելով
ուսուցչին իր գրութեան մէջ, անցայ միւս դա-
սարանը: Այստեղ պարապում էր պ. Ա. Աղա-
մեանցը. նրա դասաւարութիւնը ռուսաց լեզու
էր. սա պարապում էր ինչպէս մի իսկ ուսուցիչ,
որ հասկանում է իր պարտաւորութեան նշանա-
կութիւնը եւ աշակերտներն են մեծ ուղադրու-
թեամբ լսում էին նրան, որովհետեւ ուսուցչի
հմտութիւնից, աշակերտների համար դասաւարու-
թիւնը մի պարզ եւ զուարճալի խօսակցութիւն
էր թվում, եւ ահա սրանից է որ աշակերտները
ռուսերէնը հայերէնից էլ լաւ են կարդում. նոյն
իսկ ես չը կարողացայ զսպել իմ ուրախութիւնս
եւ շնորհակալութիւն յայտնեցի մանկավարժ ու-
սուցչին: Ռուսաւարանը բաղկացած է չորս բա-
ժանմունքից, որոնց նախակրթարանում պարա-
պում է ուսուցիչ եւ միանգամայն տեսուչ՝ պ.
Ա. Գալստեանցը. ես նրան ճանաչեցի որպէս
փարձառու, ազնուասիրտ եւ կրթեալ. նա աշխա-
տում է նոր աշակերտների մէջ ուսման արմատը
լաւ ամրացնել:

Ուսուցիչները բոլորն էլ ազնիւ երիտասարդ-
ներ են, բայց պ. Ա. Եգանեանցը չափից դուրս
բարեխիտ է եւ աշակերտները չեն լսում նրան,
այդպիսով նա իր ազդեցութիւնը աշակերտների
վրա արդէն կորցրել է: Պէտք է յիշեմ այստեղ
եւ կրօնագիտութեան ուսուցչին. նա շատ յաճախ
բացակայ է գտնվում դասերից, իսկ եղած ժա-
մանակն էլ շատ քիչ բան է սովորեցնում եւ դաս
աւանդելու կերպը չը գիտէ:

Ցանկալի էր որ աւելի երկար խօսելի փոքր
ինչ եւ օրիորդական դպրոցի մասին, բայց որ
կողմն որ դառնում եմ, ամեն ցաւալի դէպքերն
միաւորելով եւ կարելի է մի լակոնական կեր-
պով յայտնել, որ նա խեղճ դրութեան մէջ է:

Տղայոց դպրոցին կից գտնվում է աղջկային
ընթերցարանը, ուր երկու հազար կտորից աւելի
գրքեր կան, թէ ռուսերէն եւ թէ հայերէն լեզ-
ւով: Աղջիկները մի կիրակի օր ընթերցարանին,
եւ ցանկացայ նոր լրագիրներ տեսնել, բայց
փոխ-գրապահը ասաց որ, չը գիտեմ թէ ու
մօտն է. այս բանը ինձ զարմացրեց եւ ես իմա-
ցայ, որ լրագիրները հնանալուց եւ ձեռքէ ձեռք
պտտելուց յետոյ են մտնում դրադարանը...

Մի քանի օր մնալով Շամախում, այցելեցի
թեմական առաջնորդին, յուսալով որ այստեղ
փոքր ինչ ուրախալի բաներ կը լսեմ, բայց
սրբազանը բացի գանգատներից ուրիշ ոչինչ
չուէր ասելու. նա շարունակ պարտաւորում էր
իր հակառակ կուսակցութեանը եւ իր խօսքերից
յայտնվեց որ ինքն էլ, մեր այժմեան շատ հո-
գեւորականների նման, սիրում է հանգիստ ապ-
րել: Իսկ չորրեքը բառը նա սաստիկ ասում
է, միայն սիրելի է նրան խորհուրդ տալ այն
բանի մասին, որը ինքը հոտը չէ առել. բայց
մի բան որ ինձ աւելի զարմացրեց նա է՝
որ կարծես թէ այդ հոգեւորականը իր օգնական
վարդապետի ստորադրեալն է, որովհետեւ նրա
թեմաւարութեամբ է միշտ խօսում:

Ցաւալի է ճշմարիտ թեմի վիճակաւորի այս
թոյլ ընթացքը, ուսումնաւարանի եւ եկեղեցու
անկարգ դրութիւնը եւ նամանաւանդ Շամախու
երկմաս կուսակցութեանը միմեանց հակառակ
ընթացքը:— Այս բոլոր ցաւալի դէպքերը կա-
րող է կարգի գնել նոյն ինքն թեմի վիճակաւոր
առաջնորդը, եթէ լինի նա իր պարտաւորու-
թիւնը հասկացող հոգեւորական:

Ա.